

Siullermik inatsisissatut siunnersuut isumaqatigilluinnaqqissaarpara nuannaarutigalugu.

Sisimiuni najugaqarpugut isikkivigissumi kisimiinngilagullu taamatut isikkivigissumi allaaqqitsillugi seqernut kissarngata annertuallaarneranik seqernut tarrinnissaanik utaqqisartut, tassami seqineq tarrikkaangat aatsaat sinittarfiit init aatsaat saaguersinnaangortarpagut seqernup illup sinittarfiillu ilui ilummut kissarpallaarluni seqertarmagit allaat illup ilua 28 c°-inik kiannerulersinnaasarmat siniffissaanani aammalu saagueqqaannartariaqalertaratta seqinerlu tarrippat aatsaat sinittarfik inilu "Nillernerulaaleraangata" tassa illup iluata kissassusaa aatsaat atuutileraangat sinissinnaangortaratta.

Tassuuna assut tujorminarpoq innareerfissaraluami seqernup kissarpallaarnera pissutaalluni seqernup tarrinnissaanik utaqqisariaqartarneq illup ilua nilluumissiisariaqartaratsigu taassumalu kinguneraa sinnakinnerulluta suliffitsinnut ullaakkut suliertortaleratta taamaalillutalu nukissaalatsineq aasaq manna annertuumik malugaarput naak upernarnissaa tikillugu annerusumik malunnangikkaluartoq nalunaaqutaq.

Unalu eqqaarusuppara, seqernup kaaviinnarfiani aamma avannaani misilittagaqarfigaara aasarsiorneq, taannali allaavoq avannaani seqernup kaaviinnarfiani kissassuseq aalaakkaanerusarpoq taamaalillunilu atoruminarnerusarluni, taamaattorli Sisimiuni seqernup tarrittarfiani nillertittartumi ullaakkullu kissatsikkiartortarfiani aamma inuuneq allaavoq taannalu aamma timimut allatut sunniuteqartarpoq.

Taamaammat inatsisissatut siunnersuut akuersissutigineqassasoq innuttaasutut siunnersuutigaara

Hans-Kristian Petrussen
161289-2675 286120
Laraikkut aqq. 1-3
3911 Sisimiut